

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23) i člana 47. a u vezi sa članom 22. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19, 11/19-isp. i 8/22), na prijedlog Ministarstva za pravosuđe i upravu, Vlada Zeničko-dobojskog kantona, na 25. sjednici, održanoj dana 30.06.2023. godine, d o n o s i

ODLUKU

O DODACIMA NA PLAĆU DRŽAVNIM SLUŽBENICIMA I NAMJEŠTENICIMA KOJI RADE NA POSLOVIMA S POSEBNIM USLOVIMA RADA

Član 1.

(Predmet Odluke)

Ovom odlukom utvrđuju se visina i način ostvarivanja dodataka na plaću državnih službenika i namještenika u ministarstvima i drugim tijelima kantonalne uprave Zeničko-dobojskog kantona (u daljem tekstu: organ državne službe) koji rade na poslovima s posebnim uslovima rada.

Član 2.

(Poslovi s posebnim uslovima rada)

Poslovi s posebnim uvjetima rada su poslovi radnih mjesta, na kojima državnom službeniku i namješteniku u organu državne službe, zbog njihove naravi, težine i okolnosti u kojima se obavljaju, prijeti opasnost od ugrožavanja života, profesionalne bolesti ili znatnog narušavanja zdravlja, koje se ne može izbjeći primjenom propisanih mjera zaštite na radu i ostalih mjera u skladu sa posebnim propisima.

Član 3.

(Vrste poslova s posebnim uslovima)

(1) Utvrđuju se poslovi s posebnim uslovima rada i to:

- a) poslovi inspekcijskog nadzora;
- b) poslovi čuvara šuma-lugara, kontrolnog lugara i geometara;
- c) poslovi sudskog izvršitelja;
- d) poslovi vozača i vozača pratitelja;
- e) poslovi tehničkog sekretara Premijera Kantona;
- f) poslovi stručnog savjetnika za unutrašnju reviziju u Ministarstvu finansija - interni revizor;
- g) poslovi Odjeljenja za informatičku podršku.

(2) Izvršioci poslova iz stava (1) ovog člana imaju dodatak na posebne uslove rada.

Član 4.

(Poslovi inspekcijskog nadzora)

(1) Državni službenik koji radi na radnom mjestu inspekcijskog nadzora u kantonalnom organu državne službe ima pravo na dodatak na osnovnu plaću u visini, kako slijedi:

- a) inspektor - 20%;
- b) glavni kantonalni inspektor - 20%;
- c) direktor Kantonalne uprave za inspekcijske poslove - 20%.

(2) Na radnom mjestu iz stava (1) ovog člana dodatak na posebne uslove rada utvrđuje se mjesečno na osnovnu plaću izvršioca na tom radnom mjestu i za vrijeme odsustva sa rada (godišnji odmor, plaćeno odsustvo, odsustvo zbog bolesti ili invalidnosti, suspenzija i slično).

Član 5.

(Poslovi čuvara šuma – lugara, kontrolnog lugara i geometra)

Namještenik koji radi na radnom mjestu čuvar šuma - lugar (šumar), kontrolnog šumara ili geometra ima pravo na dodatak na osnovnu plaću u visini od 20%.

Član 6.

(Poslovi sudskog izvršitelja)

Namještenik koji radi na radnom mjestu i poslovima sudskog izvršitelja ima pravo na dodatak na osnovnu plaću u visini od 20%.

Član 7.

(Poslovi vozača i vozača pratioca)

Namještenik koji radi na radnom mjestu i poslovima vozača i vozača pratioca ima pravo na dodatak na osnovnu plaću u visini 20%.

Član 8.

(Poslovi tehničkog sekretara Premijera Kantona)

Namještenik koji radi na radnom mjestu i poslovima tehničkog sekretara Premijera Kantona ima pravo na dodatak na osnovnu plaću u visini od 20%.

Član 9.

(Poslovi stručnog savjetnika za unutrašnju reviziju u Ministarstvu finansija-interni revizor)

Državni službenik koji radi na radnom mjestu i poslovima stručnog savjetnika za unutrašnju reviziju u Ministarstvu finansija-interni revizor ima pravo na dodatak na osnovnu plaću u visini od 20%.

Član 10.

(Poslovi Odjeljenja za informatičku podršku)

Državni službenik i namještenik koji rade na radnom mjestu i poslovima u Odjeljenju za informatičku podršku Stručne službe Vlade imaju pravo na dodatak na osnovnu plaću u visini od 20%.

Član 11.

(Donošenje rješenja)

(1) Dodaci predviđeni u odredbama ove odluke, ostvaruju se donošenjem rješenja.

(2) Rješenje iz stava (1) ovog člana, za državne službenike i namještenike donosi rukovoditelj kantonalnog organa državne službe u kojem se državni službenik, odnosno namještenik nalazi u službi.

Član 12.

(Privremeno obavljanje poslova drugog radnog mjesta)

(1) Rukovodilac kantonalnog organa državne službe će, donijeti rješenje kojim se osnovna plaća državnog službenika i namještenika uvećava za procenat do 20%, za period u kome, pored poslova svog radnog mjesta, privremeno obavlja i poslove drugog radnog mjesta.

(2) Rukovodilac organa iz stava (1) ovog člana je obavezan donijeti posebno rješenje o privremenom obavljanju poslova drugog radnog mjesta.

Član 13.
(Usklađivanje pravilnika)

Rukovodilac kantonalnog organa državne službe dužan je u roku od 10 dana uskladiti pravilnik o plaćama, naknadama i drugim materijalnim pravima koja nemaju karakter plaće, odnosno pravilnik o radu s odredbama ove odluke.

Član 14.
(Provođenje Odluke)

(1) Za provođenje ove odluke zadužuju se kantonalni organi uprave i druga tijela kantonalne uprave.

(2) Za realizaciju rješenja kojim se utvrđuju prava po ovoj odluci zadužuje se Ministarstvo finansija.

Član 15.
(Prestanak važenja)

Donošenjem ove odluke stavlja se van snage Odluka o dodacima na plaću rukovodećim državnim službenicima na poslovima od posebnog interesa i državnim službenicima i namještenicima koji rade na poslovima s posebnim uslovima rada ("Službene novine Zeničko-dobojskog kantona", broj 4/18).

Član 16.
(Stupanje na snagu i datum primjene)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“, a primjenjuje se od 01.07.2023. godine.

PREMIJER

Amra Mehmedić

Broj: 02-11-10517/23

Datum, 30.06.2023. godine

Z e n i c a

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x svim ministarstvima i drugim tijelima kantonalne uprave,

1x "Službene novine Zeničko-dobojskog kantona",

1x a/a.